

Երկրի աղետալի վիճակը, որը վեր էր ածվել գերմանական իմպերիալիզմի մի կիսազաղուփի, ճակատներում կրած պարտությունները և բանակի արագ քայքայումը՝ այս բոլորը չէր մտահոգում իթթիհատական կլիկին։ Երիտթուրքերը շարունակում էին հուսադրել իրենց, որ գերմանական զենքն ի վերջո հաղթանակ կտանի Եվրոպայում և որ կայզերական Գերմանիայի օգնությամբ հնարավոր կլինի հասնել իրենց զավթողական նպատակների իրականացմանը։ Ուստի և, ոտնահարելով երկրի ազգային շահերը, նրանք չէին ուզում պատերազմից դուրս գալ և նույնիսկ փորձում էին աշխուժացնել ռազմական գործողությունները։

2. ՀԱՅՅԵՐԻ ՄԱՍՆԱԿՑՈՒԹՅՈՒՆԸ ՊԱՏԵՐԱԶՄԻՆ ԵՎ ԿԱՄԱՎՈՐԱԿԱՆ ՇԱՐԺՈՒՄԸ

Կովկասյան ռազմաճակատում ծավալված պատերազմական գործողություններին հայ ժողովրդի ակտիվ մասնակցությունը պայմանավորված էր Արևմտյան Հայաստանն ազատագրելու նրա վաղեմի բաղձանքով։ Ուստի պատերազմի սկզբից լայն թափ ստացած հայկական կամավորական շարժումը ժողովրդական զանգվածների ինքնաբերական պոռթկումն էր, ազգային ազատագրության համար նրա մղած պայքարի տրամաբանական շարունակությունը։ Ցարական իշխանությունները, օգտվելով ժողովրդական այդ ոգևորությունից, խրախուսեցին կամավորական շարժումը, նույնիսկ չզլացան հրապուրել խոստումներ տալ հայ ժողովրդին։

Հայկական ազգայնական կուսակցությունները, հավատալով Արևմտյան Հայաստանի «ազատագրման» մասին ցարական կառավարության հավաստիացումներին, ակտիվ գործունեություն ծավալեցին այդ պատրանքներով սնելու ժողովրդական լայն զանգվածներին²⁶։

«Մշակը», «Հորիզոնը» և այլ թերթեր կոչ էին անում օդնել ռուսական բանակին։ «Մշակն» այն կարծիքն էր հայտնում, որ «հայերը կարող են և պետք է արտահայտեն իրանց ցանկությունը, որ ազատվող Թուրքաց Հայաստանին տրվի վարչական կազմակերպություն՝ ավտոնոմիայի հիման վրա, Ռուսաստանի հովանավորության ներքո»²⁷։

Ռուսաստանի նկատմամբ եղած հավատը համակել էր հայ հասարակական լայն շերտերին, հատկապես երիտասարդությանը, որը հանդես էր գալիս ռուսական զորքերի օգնությամբ Արևմտյան Հայաստանն ազատագրելու կոչերով։ «Հասել է այն պահը, երբ մենք պետք է ռուսական հաղթական բանակի շարքերում մարտնչենք ռիսերիմ թշնամու դեմ, Մեր արյունքսամ եղած եղբայրներն անհամբեր սպասում են մեզ։ Գնանք այնտեղ, ուր մեզ կանչում է մեր հայրենիքը, դա մեր սրբազան պարտքն է,— ասված էր այդ կոչերից մեկում»²⁸։

Անտանտայի օգտին լայն պրոպագանդա էր տարվում նաև արտասահմանյան հայկական գաղթօջախներում։ Հայ մտավորականները հանդես էին

²⁶ Ц. П. Агоян, Армянские политические партии и первая мировая война (в сб. «Первая мировая война», М., 1968, стр. 335—346).

²⁷ «Մշակ», 1914, № 245.

²⁸ ՎՍՍՀ ԿԳՊԱ, ֆ. 13/2, գ. 3162, ք. 12.

գալիս դասախոսություններով, հոգվածներով, որոնցում ողջ հայությունը կոչ էին անում օգնել դաշնակիցների մղած «սարազան» պատերազմին: «Ընենք, ինչ որ կրնանք,— գրել է Արշակ Չոպանյանն իր «Ազատարար պատերազմ» հոդվածում,— որպեսզի մենք ալ, վաղը, աշխարհիս վերև ծագելիք արդարության արևին տակ, ազատամարտիկ ազգերուն շարքին մեջ ազատության արժանի ազգերուն քովը բարձրաճակատ կարեւանք երևալ»²⁹.

Ռուսական կայսրության մեջ բնակվող երկու միլիոն 54 հազար հայերը³⁰ ցարական բանակին տվեցին մոտ 250 հազար զինվոր, որը կազմում էր արևելահայերի 13%-ը: Ֆրանսիայի, Անգլիայի և ԱՄՆ-ի բանակներում զորակոչված հայ մարտիկների թիվը անցնում էր 50 հազարից: Հայ բաղաբական շրջանները, ինչպես հայկական գաղթօջախներում, այնպես էլ Անդրկովկասում լայնորեն պրոպագանդա էին մղում արևմտահայությանը թուրքական լծից ազատելու համար օգնել դաշնակիցների բանակներին նաև կամավորներով: Օգտվելով ցարական կառավարության 1914 թ. հուլիսի 23-ի՝ ռուսական բանակը կամավորներով համալրելու մասին հայտարարությունից, նրանք սկսեցին բանակցություններ վարել Կովկասի փոխարար Վորոնցով-Դաշկովի հետ կազմելու հայ կամավորական ջոկատներ, երբ դեռևս չէր պայմել պատերազմը: Բանակցությունները վարում էր Հայկական Ազգային բյուրոն, որը կազմակերպվել էր Թիֆլիսում դեռ 1912 թ. վերջերին և կոչված էր օգնելու Ամենայն Հայոց կաթողիկոսին՝ Հայկական հարցի շուրջը դիվանագիտական բանակցություններ վարելու մեծ պետությունների հետ:

Ազգային բյուրոյի կազմում էին՝ Ա. Բաբախանյանը (Լեոն), Ս. Հարությունյանը, Հ. Թումանյանը, Կ. Ստեփանյանը, Ա. Սահակյանը, Հ. Ամիրխանյանը, Հ. Սպենդիարյանը, Խ. Աֆրիկյանը, Հ. Արզումանը, Հ. Մելիքյանը, Ս. Կյուլպենկյանը, Ավ. Պողոսյանը, Գ. Խատիսյանը, Ստ. Լիսիցյանը, Ա. Պապովյանը, Ա. Արեղյանը, Հ. Քոչարյանը: Բյուրոյի պատվավոր նախագահն էր Վրաստանի և Իմերեթիայի հայկական թեմի առաջնորդ Մեսրոպ Եպիսկոպոսը: Երկար բանակցություններից հետո Հայկական Ազգային բյուրոն 1914 թ. սեպտեմբերի կեսերին ցարական կառավարությունից թույլտվություն ստացավ կազմակերպելու հայկական կամավորական ջոկատներ:

Իշխանությունների խախտւածներով կամավորական շարժման մեջ ներգրավվեցին նաև այլ ժողովուրդներ: Այսպես, Ռուսաստանում բնակվող մահադանները, հատկապես ադրբեջանցիները, կազմեցին «Մուսուլմանական վայրենի դիվիզիան»:

Արևմտյան Հայաստանի ազատագրումը թուրքական տիրապետությունից հուզում էր ողջ հայությունը, և պատահական չէր, որ կամավորական շարժումը լայն արձագանք գտավ ոչ միայն Ռուսական կայսրության հայության մեջ, այլև ամբողջ աշխարհի հայաբնակ վայրերում: Արտասահմանյան շատ երկրներից հայերը թողնում էին իրենց օջախը, ընտանիքը, մեկնում Թիֆլիս՝ ցուցակագրվելու կամավորական խմբերում: Ռուսաստանից, արտասահմանից, մինչև անգամ Ամերիկայից այնքան հայեր եկան Թիֆլիս, որ հարկ եղավ հատուկ հայտարարությամբ նրանց հոսքը դադարեցնել:

Հայ կամավորները զինվորագրվում էին Անտանտայի պետություններին

²⁹ «Մշակ», 1914, № 234.

³⁰ Տե՛ս «Հայկական ՍՍՀ Առկաս», Երևան-Մոսկվա, 1961, էջ 58:

ոչ թե նպատակնու նրանց իմպերիալիստական նպատակների կենսագործմանը, այլ այն հույսով ու հավատով, որ այդ պետությունների օգնությամբ կկարողանան Արևմտյան Հայաստանն ազատագրել թուրքական բիրտ լծից:

Ստեղծվել էր այսպես կոչված «Թաղմական խորհուրդ», որը հավաքագրում էր կամավորներին, կազմում ջոկատներ և ապահովում զենքով Այն իր ներկայացուցիչներն ունեն իր կայսրության համարյա բոլոր հայաբնակ վայրերում: Ազգային բյուրոյի ենթաբաժիններ կային Մոսկվայում, Պետրոգրադում, Նոր Նախիջևանում, Մարիուպոլում, Բաքվում և այլուր, որոնք լայն պրոպագանդա էին մղում և նյութական ու դրամական հանգանակության կոշանում՝ հօգուտ կամավորական շարժման: Շոշափելի օգնություն ցույց տվեցին հատկապես Մոսկվայի, Պետրոգրադի, Բաքվի, Թիֆլիսի, ինչպես նաև Նյու-Յորքի, Փարիզի և Լոնդոնի կոմիտեները: Կամավորական զնդեր կազմակերպելու գործին Հիմնական նյութական օգնությունը տրվում էր ցարական կառավարության կողմից: Սակայն հայերը ևս միջոցներ էին տրամադրում: Ըրիայն 1915 թ. հանգանակած զոմարը կազմում էր 1.444.000 ռուբլի, որի 1.020.000 ռուբլին հավաքել էին ռուսական կայսրությունում բնակվող հայերը³¹:

Ակերնական շրջանում կազմակերպվեցին կամավորական շորս՝ 1-ին, 2-րդ, 3-րդ, 4-րդ ջոկատները, տարբեր ժամանակներում այդ ջոկատների հրամանատարներ են եղել Անդրանիկը (Օզանյան), հայդուկներ Քեռին (Գավաֆյան Արշակ), Խանասորցի Վարդանը (Մեհրաբյան), Համազասպը (Սերվանձյան) և ուրիշներ: Ավելի ուշ ստեղծվեցին 5-րդ, 6-րդ և 7-րդ ջոկատները և կամավորների ընդհանուր թիվը 1915-ի վերջին հասավ 6.000-ի³²:

Հնչակյան 6-րդ կամավորական ջոկատի հրամանատարն էր Գրիգոր Ավշարյանը, որը հերոսաբար զոհվեց 1915 թ. հունվարին, էրզրումի տակ: Նրանից հետո այդ ջոկատի հրամանատար նշանակվեց Հայկ Բժշկյանը (Գալը)՝ հետագայում Սովետական Ռուսաստանում քաղաքացիական կռիվների լեգենդար հերոս, կարմիր բանակի ականավոր զորավար, ռազմական ակադեմիայի պրոֆեսոր: 7-րդ ջոկատը կազմակերպվեց 1915-ի աշնանը՝ Հովսեփ Արղունյանի հրամանատարությամբ:

Կամավորական առաջին ջոկատը, որի հրամանատարն էր Անդրանիկը և որն ամենախոշորն էր՝ բաղկացած 1200 հոգուց, ճակատ մեկնեց 1914 թ. նոյեմբերի 16-ին և գործում էր Սալմաստ-Վան ուղղությամբ՝ զենքի առ Չերնոբուրովի զորաբաժնում: Երկրորդ ջոկատը ճակատ մեկնեց նոյեմբերի 7-ին՝ Իզդիր—Բայազետ—Բերկրի—Վան, երրորդը՝ նոյեմբերի 13-ին՝ Կաղզվան—Ալաշկերտ—Մանազկերտ—Բիթլիս, չորրորդը՝ նոյեմբերի 19-ին՝ Սարիղամիշ—Օրզան—Փյոլի—բյուլ—էրզրում ուղղությամբ:

Անդրանիկի կամավորական ջոկատը նոյեմբերի երկրորդ կեսից մինչև դեկտեմբերի 18-ը մասնակցեց Կոթուրի շրջանի գրավմանը՝ փախուստի մատնելով թուրքական զորքերին: Զոկատը գրավեց Վանից ոչ հեռու գտնվող Սաբայ գյուղաքաղաքը, որով ձախողվեց թուրքական զորքերի առաջխաղացումը Վանի ուղղությամբ:

31 Տե՛ս A. O. Арутюнян, Кавказский фронт 1914—1917 гг., Ереван, 1971, стр. 298.

32 Գ. Ղազարյան, Հայերի մասնակցությունը համաշխարհային պատերազմին, Փարիզ, 1931, էջ 12 (թաղմ. ֆրանսերենից):

Ամենաարյունահեղ մարտերը տեղի ունեցան 1915 թ. ապրիլի 2-րդ կեսին Սալմաստի զավառի կենտրոն՝ Դիլման քաղաքի մատույցներում: Այդ ճակատամարտով, զենեկալ Չերնոգուբովի խոսքերով, իրականում սորոշվում էր ամբողջ Կովկասի բախտը: Ռուսական զորքերն Անդրանիկի ջոկատի հետ միասին ետ շարտեցին հալիլ-բեյի զերազանց ուժերի մի քանի կատաղի գրոհները: Հայ կամավորները մեծ խիզախությամբ ու անձնվիրությամբ սովորական մարտի էին բռնվում թշնամու հետ:

Նույն զենեկալ Չերնոգուբովն Անդրանիկի ջոկատի մասին գրել է. «Նա ջոկատի մասին կարող եմ խոսել միայն հիացմունքով... Մեր հաջողություններն Աշևակի մոտ, Վրուշ-հորանում, հանիքայում, Կոթուրում, Մոլլա-Հասանում, Բելիջկում և Ղարաբեյիում զգալի չափով կապված են առաջին հայկական ջոկատի մարտական գործողությունների հետ, որի հրամանատարը Անդրանիկն էր, փորձված զինվորական պետ, մարտի պայմանները հիանալի կերպով բմբրեռող, հաստատակամ, հետևողական... ջոկատն Անդրանիկի հրամանատարությամբ 1915 թ. ապրիլի 15—28-ին մասնակցել է Մուխանջիկի (Դիլմանի) հայտնի ճակատամարտին, որի շնորհիվ Կովկասը փրկվել է թշնամու արշավանքից... Նա ի զենա Անդրանիկի, միշտ տեսնում էի եռանդուն հայրենասերի, Հայաստանի ազատության համար մարտնչող մարտիկի, խոր կերպով իր հայրենիքը սիրողի»³³:

Անդրանիկի ջոկատը հերոսական մարտեր մղեց նաև Դուզ-Դաղի շրջանում, մասնակցեց Բաշկալայի և Ասուրլիի գրավմանը: Թուրքական զորքերը նահանջեցին Զուլամսերիկ ուղղությամբ. նրանց հետապնդում էր Անդրանիկի ջոկատը: Վերջինս ռուսական զորքերի կազմում անցավ պարսկա-թուրքական սահմանը, թշնամուն նոր հարված հասցրեց հանասորի լեռնանցքում, ապա մտավ Բաշկալ³⁴:

Անդրանիկի ջոկատի կողմից հալիլ-բեյի զորքերին հասցրած ծանր հարվածները խափանեցին Վանի վրա գրոհող Զեդեթ-բեյի զորամասին օգնություն հասցնելը: Եթե Անդրանիկը ոչի կտրեր հալիլ փաշայի առաջը և չի վերցրեր Բաշկալեն, հալիլի նպատակն էր Վան երթալ և կտտրել Վանը: Չորս թուրք զերի զինվորներ նույն բանը խոստովանեցան, ըսելով, թե սղուր մեզ կանխեցիք և մեր առաջը կտրեցիք»³⁵:



Անդրանիկ (Անդրանիկ Օզանյան)

33 ՄԱՄԶ ԿԳՊԱ, ֆ. 370, ց. 1, գ. 76, թ. 1—2:

34 ՏԵՍ Մ. Արզումանյան, Հայաստան 1914—1917, Երևան, 1969, էջ 261:

35 «Չորս թուրք զերի զինվորներ նույն բանը խոստովանեցան, ըսելով, թե սղուր մեզ կանխեցիք և մեր առաջը կտրեցիք»³⁵:

Անդրանիկի ջոկատի տարած փայլուն հաղթանակն արագացրեց ռուսական զորքերի առաջընթացը Վանի ուղղությամբ: 1915 թ. մայիսի 17-ին (ն. տ.) Վարդանի Արարատյան գունդը՝ կազմված 2-րդ, 3-րդ և 4-րդ կամավորական ջոկատներից, մտավ Վան. քաղաքի հերոսական պաշտպանները ցնծությամբ դիմավորեցին կամավորներին: Այնուհետև Վան մտան զեներալ Նիկողայի զորքերը, Արարատյան գունդը, որը ենթարկվում էր Բայազետի ուղղությամբ գործող ռուսական զորքերի հրամանատար զեներալ Նիկողային, Բայազետից մինչև Վան, 20 աստիճան սառնամանիքի ծանր պայմաններում, կատաղի մարտեր մղեց և հտ չպարտեց թուրքական զավթիչներին, ազատագրելով Բերկրին, Ջելվան, Զանկեր և այլն: Զանկում 8.000-ից ավելի հայեր, ամբողջ երկու ամիս հերոսաբար դիմադրում էին թուրքական հորդանքներին և ի վերջո օրհասական պահին օգնության հասած Արարատյան զնդի կամավորները նրանց փրկեցին բնաջնջումից:

Հայ կամավորներն իրենց մարտական գործողությունների ճանապարհին ամենուրեք հանդիպում էին թուրք շարդարարների թողած արյունոտ հեռքերին. հազարավոր հայ կաննց, աղջիկների, ծերերի, երեխաների այլանդակված, հոշոտված դիակներ, ավերված, հրդեհված քաղաքներ, գյուղեր, ավաններ:

Վանի ազատագրումից հետո հայկական կամավորական ջոկատները զեներալ Տրուխինի զորաբանակի կազմում համառ մարտեր մղեցին Վանա լճի հարավային մասում և պարսոլվյան մատենելով հակառակորդին, շարժվեցին Մուշի և Բաղեշի (Բիթլիսի) ուղղությամբ: Մարտերի թեժ պահին, հուլիսի 16-ին տակտիկական նկատառումներով Կովկասյան բանակի շտաբից ստացվեց հրաման՝ նահանջել, թողնելով զբաղված տերիտորիաները և Վանը: Ընդհանուր շարդից կենդանի մնացած արևմտահայերը կանգնեցին Նոր վտանգի առջև: Նրանց օգնության եկան հայ կամավորական ջոկատները, որոնք կազմակերպեցին հայերի զաղթը և նրանց ուղեկցեցին մինչև ռուս-թուրքական սահմանը:


Սակայն շուտով ռուսական Կովկասյան բանակը նորից անցավ հակահարձակման, որին մասնակցեցին նաև հայկական կամավորական ջոկատները, որոնք գտնվում էին ռուսական զորքերի ավանգարդում: 1915 թ. աշնանը և 1916 թ. ձմռան ու զարնան ամիսներին նրանք Արևմտյան Հայաստանի ազատագրման գործում զգալի օժանդակություն ցույց տվեցին ռուսական զորքերին:

Անդրանիկի շտաբը ռուսական 4-րդ կորպուսի կազմում 1916 թ. հունվարի սկզբներին Վանից շարժվելով Մուշի, Բիթլիսի ուղղությամբ, համառ, արյունահեղ մարտեր մղեց թշնամու զերադանց ուժերի դեմ և մասնակցեց բազմաթիվ հայկական գյուղերի, քաղաքների ազատագրմանը:

Առջևում էր Բիթլիսը, որի գրավումը զեներալ Աբաքիկը (վերջինիս հրամանատարության տակ էր գտնվում Անդրանիկի ջոկատը), սաստիկ սառնամանիքի և պարենի պակասության պատճառով, գտնում էր անհնարին: Անդրանիկը, խիստ զայրացած զեներալի անվճռականությունից, հեռագրում է կորպուսի հրամանատարին. «Գլխովս կերաշխավորեմ, որ կարելի է Բիթլիսը գրավել անմիջապես»³⁶: Կորպուսի հրամանատարը, Աբաքիկի կամքին հա-

36 «Զորավար Անդրանիկի Կովկասյան հակառակ պատմական օրագրությունը», էջ 40:

կառակ, համաձայնվեց Անդրանիկի առաջարկին: Վերջինս իր 1500 մարտիկներով և 200 հեծյալ կազակներով փետրվարի 20-ին գրոհեց Բիթլիսի վրա: Գրոհը սկսվեց գիշերը: «Առանց զնդակ մը արձակելու,— գրել է Գ. Ղորղանյանը,— կամավորական խումբը մոտեցավ թուրքական զիբրեի կանխավ որոշած հատվածին, սվինային հարվածով վար նետեց հոն գտնվող զորքը, պրավեց 2 լեռնային թնդանոթ և փախչող թշնամիի ուսերի վրա ներս խուժեց ռադար»³⁷: Այնպիսի արագությամբ կատարվեց այդ բոլորը, որ թշնամու զորահրամանատարները շհասցրին մինչև անգամ հագնվել ու փախուստի դիմել: Անդրանիկը գերեց թշնամու 1300 զինվոր, 35 հրամանատար, զբա-



Դառապալազի կամավորները

վեց բավականաչափ զենք ու զինամթերք, 24 թնդանոթ, մի քանի միլիոն փամփուշտ, 1400 ձի ու ջորի և այլն: Փրկվեցին 300 հայ կանայք ու երեխաներ և ուղարկվեցին Վան³⁸:

Այսպիսով, հայ կամավորները տոգորված արևմտահայության ազատագրման վեհ ցանկությամբ, հերոսաբար գրոհում էին թշնամու զիբրեի և նպաստում կռիվայան բանակների տարած հաղթանակներին: Նրանք աչքի ընկան մասնավորապես Սարիզամիշի, Դիլմանի, Խոյի, Վանի, Մուշի, Բիթլիսի, Էրզրումի, Նրզնկայի և այլ հակառակորդներում, մեծ զեք խաղալով արևմտահայ զաղթականության կյանքը փրկելու գործում: Հայ կամավորները սպանեցին անհաղթարիկ պայմաններում կարողացան թուրքական յաթաղանից ազատել տասնյակ հազարավոր հայերի և ապահովել նրանց

37 «Հայրենիք», 1927, № 11, էջ 82:

38 Տե՛ս Մ. Պ. Աղայան, Հայ ժողովրդի ազատագրական պայքարի պատմությունից, էջ 434—435:

դադրեց դեպի Կովկաս: Քաջ ծանոթ լինելով Արևմտյան Հայաստանի բնական պայմաններին, ճանապարհներին, տիրապետելով տեղի բնակչության լեզվին, նրանք ռուսական հրամանատարության կողմից օգտագործվում էին որպես հետախույզներ և առաջապահներ: Կամավորական ջոկատները թեև զինամթերքով, հանդերձանքով ավելի վատ էին ապահովված, քան ռուսական բանակի ինխակազմ զորամասերը և շունեին ռազմական պատրաստություն, այնուամենայնիվ բացառիկ անձնավորությամբ էին մարտնչում թշնամու դեմ:

Որքան էլ ռուսական առանձին զորամասերում բարձր էին գնահատում հայ կամավորների քաջագործությունները, այնուամենայնիվ ցարական կառավարությունն անվստահությամբ էր վերաբերվում Կովկասյան ռազմաճակատում գործող հայկական կամավորական զորամասերին, երկյուղելով, որ դրանք հետագայում կարող են դառնալ ազգային բանակի հիմք: Այդ իսկ պատճառով ցարական իշխանությունները 1915 թ. վերջին որոշեցին վերակազմաձև անվան տակ ցրել հայկական կամավորական ջոկատները և նրանցից յուրաքանչյուր ռուսական զորաբաժիններում գործող հրաձգային զուավարտակներ:

Հայկական հարցում ցարիզմի հետապնդած քաղաքականությունը շատ հստակ արտահայտված է Կովկասյան 4-րդ կորպուսի հրամանատար գեներալ Սզանտվսկու հետևյալ հաղորդման մեջ. «Հայկական կամավորական ջոկատները բաժանել են 4 մասի՝ նպատակ ունենալով նրանց զրկել ինքնուրույնությունից և չեզոքացնել հայերի զինված ուժերը: Մտադրություն կա մոտ ժամանակներս բոլորովին վերացնել հայկական կամավորական զորամասերի ինքնուրույն գոյությունը և նրանց միացնել համառուսական զինվորական ուժերին: Դա ունի իր պատճառները: Մենք հետապնդում ենք այնպիսի նպատակ, որ պատերազմը վերջանալուն պես հնարավորություն ունենանք անմիջապես և արագ զինաթափել հայերին: Ռուսական կառավարությունը չի մոռացել իր պատմական քաղաքականությունը ու միսիան Արևելքում (այսինքն՝ քաղաքականությունը Հայկական հարցում). նա հետապնդում է ռուսական պետության շահերը, այլ ոչ թե Հայաստանի ինքնավարության հայերի երազները: Ռուսական կառավարության համար ցանկալի է, որպեսզի հայերը թուրքահայաստանում կազմեն ցածր տոկոս: Հայերը պետք է փոխեն իրենց մտածողությունն ու աշխարհայեցողությունը: Նրանք պետք է հրապարակապես չհայտարարեն և գործով ապացուցեն, որ կռվում են ոչ թե ինքնավար Հայաստանի համար, այլ որպես ռուսական կայսրության քաղաքացիներ, այլապես հայերի նպատակադրումները իրենց վրա թանկ կնստեն»³⁹:

1916 թ. ամռանը ցարական հրամանատարությունը կամավորական ջոկատներից կազմեց 5 զուավարտակ: Դրանից մեկը միացվեց գեներալ Դեխտոսի զորամասին, իսկ մնացած 4-ը՝ գեներալ Չերնոգուբովի Կովկասյան հեծելազորային կորպուսին:

Ցարական հրամանատարության վարած քաղաքականությունը խիստ զրգոհություն առաջացրեց կամավորների շարքերում, որոնց մեծամասնությունը, տեսնելով իրենց հույսերի ի դերն լինելը Արևմտյան Հայաստանի ազատագրության վերաբերյալ, հեռացան ռազմաճակատից, չցանկանալով մասնակից լինել իմպերիալիստական սպանդին: Այդ մեկ անգամ ևս վկայում է

³⁹ Տճ. Б. А. Борян, Армения, международная дипломатия и СССР, ч. I, М.—Л., 1928, стр. 361—362.

այն իրողությունը, որ հայ կամավորները մտահոգված էին միայն իրենց հայրենիքի ազատագրման և ոչ թե ցարիզմի նվաճողական պլանների իրագործման հարցով:

3. ԱՐԵՎԻՏԱԼԱՅՆԻ ԶԱՆՎԱԾԱՅԻՆ ԶԱՐԴԵՐՆ ՈՒ ՏԵՂԱՀԱՆՈՒԹՅՈՒՆԸ

Արևմտահայության ֆիզիկական բնաջնջման իր հրեշավոր ծրագրերը թուրքական բռնակալությունը մշակել էր դեռևս անցյալ դարի վերջերին: Սակայն այդ քաղաքականությունն ավելի լայն շահերով իրագործվեց երիտթուրքերի կառավարման տարիներին:

Դեռ 1914 թ. աշնանը և 1915 թ. սկզբներին թուրքական իշխանություններն սկսեցին հատվածաբար ոչնչացնել բանակ զորակոչված հայերին, ապա՝ նաև ճանապարհների վրա աշխատեցնելու պատրվակով զորահավաքի ենթարկված 15—20 և 45—60 տարեկան տղամարդկանց:

Օգտագործելով պատերազմական իրադրությունը, իթթիհատականները 1915 թ. սկզբներին կայացած իրենց կուսակցության կենտկոմի գաղտնի նիստում որոշեցին արևմտահայության բնաջնջման և տեղահանության կոնկրետ եղանակները:

Թալեմաթի նախագահությանը գումարված գաղտնի նիստում, որին մասնակցում էին էնվերը, Նազըմը, Բեհանգդին Շաքիրը և ուրիշներ, հանդես գալով որպես հիմնական ղեկուցող, կոմիտեի քարտուղար Նազըմը կոչ էր անում շրավարարվել Ադանայի կոտորածի նման մասնակի շարդերով, թափոք է հաչ ազդը արմատախիլ ըլլա, մեր հողին վրա անհատ մը անգամ չմնա, հայ անուներ մոռցվի: Հիմա պատերազմի մեջ ենք, ասկե հարմար առիթ չի գտնվիր, մեծ պետությանց միջամտությունը և թերթերու բողոքի ձայնը նկատելի իսկ չի կրնար ըլլալ, ըլլալու պարագային խնդիր կատարված իրողություն մը կդառնա և կփակվի. այս անգամվան գործողությունը բնաջնջումի գործողություն մը պիտի ըլլա, հայերեն անհատ մը իսկ չմնալու պայմանավ ընաչընջումը անհրաժեշտ է»⁴⁰:

Ղեկավարվելով վերոհիշյալ նիստի որոշմամբ, ապրիլի 15-ին տեղական իշխանություններին Թալեմաթի, էնվերի և Նազըմի ստորագրությամբ գաղտնի հրաման ուղարկվեց, որտեղ ասված էր, թե օգտվելով պատերազմի ընձեռած հնարավորությունից, անհրաժեշտ է վերջնականապես բնաջնջել հայերին՝ նրանց քշելով դեպի Արաբիայի անապատները:

Դաճիճներն առաջին հերթին հաշվեհարդար տեսան հայ ականավոր զործիշների ու մտավորականների, այդ թվում մեջլիսի հայ պատգամավորներին: Միայն Կ. Պոլսում ապրիլի 24-ի լույս 25-ի գիշերը ռստիկանությունը ձերբակալեց 235 անվանի հայ մտավորականներին: Շուտով ձերբակալվածնե-

⁴⁰ Մելվան-գաոն Ռիֆթը. Օսմանյան հեղափոխության մութ ծաղիկներ, Պեյրուք, 1968, էջ 97, 98, 98-ն նաև Deutschland und Armenien 1914—1918. Sammlung diplomatischer aktienstücke". Herausgegeben und eingeleitet von Dr. Johannes Lepsius. Potsdam, 1919, S. 94, 113, 142.